

I. PROBAS INCLUIDAS NO CIRCUITO

PROBA	DATAS	ORGANIZADOR	DISTANCIA
IV 10 Km Cidade Universitaria	21 de marzo	Universidade de Vigo	10.000 m.
XI Medio Maratón Vig Bay	11 de abril	Club Corredores Vig Bay	21.097 m.
XXVII Carreira de San Xoán	23 de xuño	Fed. Galega Atletismo	8.600 m.
II Medio Maratón Cidade de Vigo	25 de setembro*	Prime Time	21.097 m.
IV Vigo+11	17 de outubro*	Fed. Galega de Atletismo	11.000 m.
V Subida ao Castro	11 de decembro*	RP3	2.000 m.
XLIX Carreira do Pavo	19 de decembro*	Fed. Galega de Atletismo	7.988 m.

* Datos provisionais.

2. CATEGORÍAS PARTICIPANTES

2.1- Promesa-Senior Feminina (P.S.F.) e masculina (P.S.M.):

- Nados/as entre 1976 e 1990, ambos incluídos.

2.2- Categoría Junior-Xuvenil feminina (J.X.F.) e masculina (J.X.M.):

- Nados/as entre 1991 e 1994, ambos incluídos.

2.3- Categorias veteranos feminina e masculina:

FEMININA:

CATEG.	ANO DE NACEMENTO
F35	Entre 1961-1975 (ambos incluídos)
F50	Entre 1951-1960 (ambos incluídos)
F60	1950 ou anteriores

MASCULINA:

CATEG.	ANO DE NACEMENTO
M35	Entre 1961-1975 (ambos incluídos)
M50	Entre 1951-1960 (ambos incluídos)
M60	1950 ou anteriores



Universidade de Vigo



errepetrés
diseño e publicidade



CIRCUITO CIDADE DE VIGO de carreiras populares 2010



PROGRAMA II Circuito CIDADE DE VIGO de carreiras populares

A Concellería de Deportes, na continuación do seu labor de promoción e difusión do deporte na sociedade viguesa, deseñou o programa "II Circuito Cidade de Vigo de Carreiras Populares 2010", que se desenvolverá en base á coordinación, promoción e difusión de diferentes probas pedestres que tradicionalmente teñen lugar na cidade de Vigo.

A día de hoxe conséntase o éxito de participación nas iniciativas municipais relacionadas co deporte, o que indica a necesidade de seguir apostando por propostas novedosas e iniciativas que atraian de xeito indubidable a atención dos e das deportistas da cidade, e permitindo ao mesmo tempo avanzar no propósito da Concellería de Deportes do Concello de Vigo de promover e fomentar o deporte popular.

Nesta segunda edición do circuito, a principal novidade é a inclusión dun sistema de cronometraxe a través da utilización de "chips". Esta novidade permitirá unha actualización permanente das clasificacións, a información continua aos participantes a través da páxina web da empresa que presta o servizo, a inscrición a través da web...

Ademais, de novo vaise contar coa cooperación da Fundación VIDE, que colaborará coas persoas que prefiran realizar as súas inscricións de forma presencial, que ofrecerá información permanente na súa web, mantendo informados aos e ás participantes de calquera incidencia ou cambio nas probas mediante a actualización dos datos na súa páxina web...

Varios son os obxectivos iniciais que se perseguen con esta iniciativa. Por unha banda, trátase de fomentar a actividade física entre a poboación de Vigo, cun calendario unificado e coordinado desde o propio Concello en colaboración coa Delegación en Vigo da Federación Galega de Atletismo e da Fundación VIDE, das diferentes probas de carreiras populares que se desenvolven na cidade. En segundo lugar, perséguese elevar o nivel xeral de participación dos e das deportistas en todas as franxas de idade nas diferentes probas, implicando aos diferentes organizadores nunha mesma estrutura organizativa, elaborando unha listaxe unificada de participantes, puntuacións e clasificacións xerais na que os/as participantes de todas as idades poderán comprobar a súa posición tras cada unha das probas celebradas e ao final do Campionato. Por último, trátase de conseguir atraer aos e ás mellores deportistas e incentivar a súa participación, dotando ao programa dunha consignación económica destinada a premiar o rendemento dos participantes, elevando desta forma o nivel deportivo das probas.

A Liga é un evento aberto a todo tipo de participantes, sen necesidade de estar federado.



Universidade de Vigo



3. NORMATIVA XERAL

- A normativa xeral das probas será a vixente da Real Federación Española de Atletismo e a normativa particular de cada unha das probas incluídas no circuíto.
- A Concellería de Deportes e a Fundación VIDE non se responsabilizan da organización e/ou coordinación individual de cada unha das probas incluídas no circuíto, obriga exclusiva das entidades organizadoras de cadansúa proba.
- Computaranse no rexistro do circuíto os resultados obtidos en cada unha das probas incluídas no mesmo a través dos “chips” do circuíto. Só teranse en conta os tempos e postos clasificatorios constatados a través de “chip”.
- Na Carreira do Pavo, por ser a única con distintas distancias para as diferentes categorías, os/as atletas deberán estar inscritos obrigatoriamente na súa categoría para que lles sexan computados os puntos obtidos.
- Para optar ao galardón de campión e campioa do Circuito de Carreiras Populares de Vigo en calquera das categorías, teranse en conta os puntos acumulados nas diferentes probas do circuíto, cun mínimo de 20 puntos obtidos.
- A listaxe coas puntuacións parciais da cada un dos e das participantes exporase na web www.championchipnorte.com, así como na web da Fundación VIDE.
- Os participantes, polo feito de inscribirse no circuíto, autorizan á organización a publicar datos sobre os resultados (nome, apelidos, categoría e posto) nas webs oficiais do programa e nos medios de promoción e difusión impresos.
- Todos os participantes no Circuito de Carreiras Populares de Vigo 2010, polo feito de participar nunha carreira do mesmo, aceptan o seu regulamento, así como o regulamento particular da proba na que participen, formalizando a inscrición con todos os dereitos e obrigas que lles corresponden.
- Calquera reclamación será resolta por unha comisión formada por un representante da Delegación da Federación Galega de Atletismo, un representante da Concellería de Deportes do Concello de Vigo e un representante da Fundación VIDE. As reclamacións deberán efectuarse na Fundación VIDE, por escrito, no prazo máximo de 72 horas dende o remate da proba, e unha vez resolta pola comisión, non caberá recurso.
- Empates: No caso de empates na clasificación, terase en conta:
 - O maior número de probas rematadas.
 - No caso de persistir o empate, o maior número de primeiros postos, segundos postos...
 - No caso de persistir o empate, o mellor clasificado na Vigo+11.
- Puntuacións das probas:

Os e as participantes no Circuito irán conseguindo puntuacións en cada unha das probas, as cales irán sumándose.

A participación en cada unha das probas xa implica a obtención de 5 puntos, que se sumarán aos acadados segundo o posto clasificatorio.

PUNTUACIÓNS POR PROBA	
1º clasificado/a	40 puntos + 5 Puntos participación
2º clasificado/a	30 Puntos + 5 Puntos participación
3º clasificado/a	25 Puntos + 5 Puntos participación
4º clasificado/a	20 Puntos + 5 Puntos participación
5º clasificado/a	15 Puntos + 5 Puntos participación
6º-10º clasificado/a	10 Puntos + 5 Puntos participación
11º-15º clasificado/a	9 Puntos + 5 Puntos participación
16º-20º clasificado/a	8 Puntos + 5 Puntos participación
21º-25º clasificado/a	7 Puntos + 5 Puntos participación
26º-30º clasificado/a	6 Puntos + 5 Puntos participación
31º-40º clasificado/a	5 Puntos + 5 Puntos participación
41º-50º clasificado/a	4 Puntos + 5 Puntos participación
51º-75º clasificado/a	3 Puntos + 5 Puntos participación
75º-100º clasificado/a	2 Puntos + 5 Puntos participación
100º-150º clasificado	1 Punto + 5 Puntos participación
>150º clasificado	5 Puntos participación

4. INSCRICIÓNS

- 4.1— **Período de inscrición:** A inscrición permanecerá aberta entre o día **1 de marzo e o 17 de xuño de 2010**. Os tempos e clasificación de cada atleta computaranse a partir da seguinte carreira á súa inscrición no circuíto.
- 4.2— A inscrición no Circuito de Carreiras Populares de Vigo 2010 é independente da que se realiza en cada unha das probas. Polo tanto, **INDEPENDENTEMENTE DA INSCRICIÓN QUE SE REALICE NO CIRCUÍTO, O/A ATLETA DEBERÁ FORMALIZAR A INSCRICIÓN EN CADA UNHA DAS PROBAS SEGUNDO AS NORMAS ESPECÍFICAS DE CADA UNHA DELAS.**
- A inscrición no circuíto non implica a inscrición en cada unha das probas incluídas nel. Os/as participantes, deberán inscribirse no circuíto por unha banda e en cada unha das carreiras nas que desexen participar por outra. A inscrición no circuíto é única e válida para o circuíto 2010.
- 4.3— **Modos de Inscrición:** Os/as participantes que desexen participar no Circuito Cidade de Vigo de Carreiras Populares, deberán formalizar a súa inscrición a través dun dos seguintes medios:
- a) **Online.** A través da web www.championchipnorte.com cumprimentando na propia web o documento de inscrición e facendo o pago da mesma a través da TPV virtual da páxina.

b) **Presencial.** Na Fundación VIDE (R/Cesáreo González S/N-Edificio IMD), entregando 2 documentos:

- Xustificante de transferencia ao N° de conta da Fundación VIDE: 2080 0065 34 0040027966, no que indicará como concepto: **DNI completo (8 díxitos e letra) e “Inscrición Circuito Carreiras Populares Vigo 2010”.**
- Formulario de inscrición completo que poderá descargar na web www.vide.es e que estará dispoñible na propia Fundación VIDE.

c) **Inscrición de grupos-clubes na Fundación VIDE, entregando:**

- Xustificante de transferencia ao N° de conta da Fundación VIDE: 2080 0065 34 0040027966, no que indicará como concepto: **“Inscrición Circuito Carreiras Populares Vigo 2010”, o nome do clube e o número de atletas que inscribe.**
- Formulario de inscrición de grupos completos, dispoñible na propia Fundación VIDE e na web www.vide.es no que se indiquen os datos completos de cada un dos atletas.

4.4— **A inscrición mínima** en cada categoría será de 5 atletas para optar aos premios en metálico.

4.5— **O custo** da inscrición no Circuito de Carreiras Populares Vigo 2010 é:

- 3€ se non posúe o “chip” en propiedade.
- 2€ se xa posúe o “chip” en propiedade.

5. RECOLLIDA DE CHIPS

Os/as propietarios/as de “chips amarelos ChampionChip” deberán participar co seu chip.

As persoas que non posúan chip, deberán recoller o chip de cada carreira na que se inscriban segundo o regulamento de cada proba e serán devoltos ao finalizar a carreira no mesmo lugar da proba.

No caso de non devolución do “chip” de aluguer nas carreiras, deberase abonar 5€ na Fundación VIDE para a súa reposición antes da seguinte carreira na que se participe.

*Nas probas nas que a organización impoña a utilización do chip a todos/as participantes (Universidade, VIG-BAY e Media Maratón Cidade de Vigo), os e as atletas inscritos no circuíto se aterán ás normas particulares da carreira no referente á utilización dos chips. Os tempos e clasificacións obteranse directamente da entidade organizadora da proba.

6. PROTECCIÓN DE DATOS

A Concellería de Deportes do Concello de Vigo e a Fundación VIDE, en cumprimento da Lei Orgánica 15/1999, de 13 de decembro, de protección de datos de carácter persoal, informa ao usuario de que os datos persoais que aporta serán incluídos en ficheiros informatizados de carácter persoal da súa titularidade. A Concellería de Deportes do Concello de Vigo e a Fundación VIDE teñen a obriga de segredo dos datos e o deber de gardalos, e adoptará as medidas necesarias para evitar a súa alteración, perda, tratamento ou acceso non autorizado.

- Será descalificado calquera deportista que altere os seus datos persoais.
- Previa á entrega dos premios e galardóns esixirase a presentación do DNI orixinal no que se acredite a veracidade e concordancia cos datos aportados na inscrición.

7. PREMIOS FINAIS POR CATEGORÍAS

- Os/as atletas que participen en 5 ou máis probas do circuíto, recibirán ao final do programa un Diploma acreditativo da Concellería de Deportes de Vigo.
- Os premios en metálico aos/ás gañadores/as do circuíto, se outorgan con independencia dos que cada unha das probas entrega aos mesmos.

CATEGORÍAS*	1º CLASIFICADO/A	2º CLASIFICADO/A	3º CLASIFICADO/A
F35	300€	200€	100€
F50	300€	200€	100€
F60	300€	200€	100€
M35	300€	200€	100€
M50	300€	200€	100€
M60	300€	200€	100€
Xuvenil-Junior masculino	300€	200€	100€
Xuvenil-Junior feminina	300€	200€	100€
Promesa-Senior masculino	1200€	600€	400€
Promesa-Senior feminina	1200€	600€	400€

*A inscrición mínima en cada categoría será de 5 atletas. No caso de non acadar esta participación mínima, non se terá acceso ao premio metálico.

Galardóns campións e campioas da Circuito de Carreiras Cidade de Vigo 2010: Ao remate do mesmo, farase entrega, nun acto de clausura do campionato, dos premios correspondentes aos gañadores e ás gañadoras do Circuito Cidade de Vigo de Carreiras Populares 2010 en cada unha das categorías.